

U skladu sa članom 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog Ministarstva za boračka pitanja, Vlada Zeničko-dobojskog kantona, na 126. sjednici, održanoj 24.04.2026. godine, d o n o s i

## ZAKLJUČAK

### I

Usvaja se Informacija o naknadi troškova dženaza/sahrana branilaca i članova njihovih porodica u 2025. godini, broj: 13/03-3-2-37-7291/26 od 15.04.2026. godine Ministarstva za boračka pitanja, koja čini sastavni dio ovog zaključka.

### II

Zaključak stupa na snagu danom donošenja.

Broj: 02-\_\_\_\_\_/26

Datum, 24.04.2026. godine

Zenica

**PREMIJER**

*Nezir Pivić*

DOSTAVLJENO:

1x Ministarstvo za boračka pitanja,

1x a/a.

**Bosna i Hercegovina  
Federacija Bosne i Hercegovine  
Zeničko-dobojski kanton  
MINISTARSTVO ZA BORAČKA PITANJA**

**I N F O R M A C I J A**  
**o naknadi troškova dženaza/sahrana branilaca i članova  
njihovih porodica u 2025. godini**

Zenica, april 2026. godine

## **I UVOD**

Obzirom na zakonsku, ali i moralnu obavezu da pomaže i učestvuje u snošenju troškova dženaze/sahrane pripadnika branilačke populacije na području Zeničko-dobojskog kantona (u daljem tekstu: Kanton), Vlada Zeničko-dobojskog kantona je zakonom i podzakonskim aktima utvrdila način, uvjete i postupak ostvarivanja ovog prava, tj. prava na novčanu naknadu troškova dženaza/sahrane branilaca i članova njihovih porodica.

Ministarstvo za boračka pitanja Zeničko-dobojskog kantona (u daljem tekstu: Ministarstvo), kao organ uprave nadležan za nadzor i kontrolu primjene propisa iz oblasti dopunskih prava branilaca i članova njihovih porodica, sačinjava ovu Informaciju u svrhu upoznavanja Vlade Kantona sa realizacijom ovih obaveza u 2025. godini.

## **II NORMATIVNA REGULATIVA**

Pravo na naknadu troškova dženaze/sahrane pripadnika branilačke populacije regulisano je federalnim i kantonalnim propisima kako slijedi:

- Zakonom o pravima branilaca i članova njihovih porodica ("Službene novine Federacije BiH" br. 33/04; 56/05; 70/07; 9/10; 90/17; 29/22 i 60/24), član 7. tačka 9. i član 19. tačka 3. utvrđuje pravo pomoći u slučaju smrti pripadnika branilačke populacije.
- Zakonom o pravima demobiliziranih branilaca i članova njihovih porodica ("Službene novine Federacije BiH" br. 54/19; 29/22; 81/23 i 60/24), član 16. tačka 1. utvrđuje pravo na pomoć u slučaju smrti demobiliziranih branilaca, a član 17. tačka 1. i 2. postupak za ostvarivanje ovog prava.
- Pravilnikom o uslovima, načinu i kriterijima za dodjelu jednokratnih novčanih pomoći za slučaj smrti demobiliziranog branioca ("Službene novine Federacije BiH" br. 64/22 i 11/23).
- Zakonom o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" br. 70/05; 61/06; 9/10; 90/17; 29/22 i 60/24), član 3. tačke 2. i 3. propisuju obavještanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti te pravo na naknadu troškova ukopa-sahrane i podizanja nišana, odnosno nadgrobnih spomenika. Dalje, članom 4. propisano je da će ovo pravo biti regulirano propisima kantona i finansirano sredstvima iz kantonalnih budžeta.
- Zakonom o dopunskim pravima branilaca i članova njihovih porodica ("Službene novine Zeničko-dobojskog kantona br. 15/24), član 3. tačka t) utvrđuje pravo branilaca i članova njihovih porodica na pomoć u slučaju smrti. Ovo pravo detaljnije je razrađeno u članu 41. i 42. spomenutog Zakona.
- Uredbom o naknadi troškova dženaza/sahrane branilaca i članova njihovih porodica ("Službene novine Zeničko-dobojskog kantona" br. 1/25), (u daljem tekstu: Uredba).

## **III UREDBA O NAKNADI TROŠKOVA DŽENAZE/SAHRANE BRANILACA I ČLANOVA NJIHOVIH PORODICA**

Ovom Uredbom utvrđeni su uvjeti, način i postupak ostvarivanja prava na naknadu troškova dženaze/sahrane branilaca i članova njihovih porodica koji imaju prebivalište na području Kantona, kao i povratnika u Republiku Srpsku koji ostvaruju osnovna prava iz branilačko-invalidske zaštite u gradu/općini Kantona i koji su na evidenciji nadležnog organa za vojne evidencije u gradu/općini Kantona.

### ***Korisnici prava i visina naknade***

Pojmovi iz Uredbe: dobitnik ratnog priznanja ili odlikovanja, ratni vojni invalid, demobilizirani branilac, član porodice šehida, poginulog, umrlog, nestalog i član uže porodice poginulog, umrlog ili nestalog dobitnika ratnog priznanja ili odlikovanja, koriste se u skladu sa odredbama Zakona o pravima branilaca i članova njihovih porodica, Zakona o posebnim pravima dobitnika ratnih priznanja i odlikovanja i članova njihovih porodica, te Zakona o dopunskim pravima branilaca i članova njihovih porodica.

Naknada troškova odobrava se u vidu jednokratne novčane pomoći članovima porodice sa kojima je umrli živio u zajedničkom domaćinstvu u vrijeme smrti ili drugom licu koje vlastitim sredstvima sahrani umrlog. Naknada troškova dženaze/sahrane se odobrava pod uslovom da je umrli prije smrti imao prebivalište na području Kantona u trajanju od najmanje dvije godine neprekidno.

Iznos novčane pomoći u 2025. godini zavisio je od kategorije branilačke populacije i ista se odobrava u visini:

- a) dvije prosječne neto plate isplaćene u Federaciji BiH u prethodnoj kalendarskoj godini za dobitnike ratnog priznanja ili odlikovanja i nosioce "Partizanske spomenice 1941";
- b) jedne i po prosječne neto plate isplaćene u Federaciji BiH u prethodnoj kalendarskoj godini za ratne vojne invalide, demobilizirane braniocce, te za članove porodice šehida, poginulog, umrlog i nestalog branioca i dobitnika ratnog priznanja ili odlikovanja – korisnike porodične invalidnine;

U slučaju da je ukop dobitnika ratnog priznanja „Zlatni ljiljan“ i „Red hrvatskog trolista“ i nosioca "Partizanske spomenice 1941" izvršen u organizaciji i sredstvima kantonalnog udruženja, istom se može odobriti naknada utrošenih sredstava najviše do iznosa dvije prosječne neto plate isplaćene u Federaciji BiH u prethodnoj kalendarskoj godini.

Iznos neto plaće isplaćene u Federaciji BiH utvrđuje se prema podacima Zavoda za statistiku FBiH, i on je za 2024. godinu iznosio 1.373,00 KM. Naznačeni iznos je korišten kao osnov kod utvrđivanja jednokratnih pomoći u 2025. godini.

### ***Podnošenje zahtjeva***

Zahtjev za ostvarivanje prava na novčanu pomoć podnosi se gradskoj/općinskoj službi u gradu/općini u kojoj je umrli imao prebivalište u posljednje dvije godine. Uz zahtjev se obavezno prilaže smrtni list, dokaz o statusu branioca i člana njegove porodice, uvjerenje o prebivalištu za umrlog, dokaz o troškovima dženaze/sahrane (računi prijevoza, opremanja i ukopa umrlog i dr.), kao i izjavu da se pomoć za navedene svrhe ne može ostvariti po osnovu drugog propisa ili na drugi način.

### ***Postupak po zahtjevu***

Gradska/općinska služba je dužna razmotriti zaprimljeni zahtjev, izvršiti provjere podnesene dokumentacije i donijeti rješenje o priznavanju prava ili odbijanju zahtjeva i to u roku od osam dana od dana prijema zahtjeva. Nakon provedene procedure, gradska/općinska služba pravosnažna rješenja dostavlja Ministarstvu na dalje postupanje, odnosno realizaciju. Izuzetak čine slučajevi gdje je ukop/sahrana umrlog izvršena u organizaciji i sredstvima kantonalnog udruženja, u kojem slučaju udruženje obrazloženi zahtjev podnosi direktno Ministarstvu.

U oba slučaja Odluku o isplati odobrenih sredstava donosi ministar Ministarstva.

O žalbama na rješenja gradske/općinske službe rješava Ministarstvo, kao drugostepeni organ.

#### **IV PREGLED OBRAĐENIH ZAHTJEVA I UTROŠENIH FINANSIJSKIH SREDSTAVA**

Budžetom Zeničko-dobojskog kantona („Službene novine ZDK“ br. 25/24) na transferu „Pomoć u slučaju smrti branilaca i članova njihovih porodica“ u 2025. godini predviđena su sredstva u iznosu od 1.220.000,00 KM. U odnosu na 2024. godinu planirana sredstva uvećana su za 200.000,00 KM. Odlukom o preraspodjeli rashoda u Budžetu ZDK za 2025. godinu, ova sredstva su dodatno uvećana za 400.000,00 KM, tako da su ukupna raspoloživa sredstva za ovu namjenu u 2025. godini iznosila 1.620.000,00 KM.

Nakon usvajanja Zakona o pravima demobiliziranih branilaca i članova njihovih porodica ("Službene novine Federacije BiH" br. 54/19 i 29/22 i 60/24), Vlada Federacije BiH izmjenila je član 2. postojećeg Pravilnika o uslovima, načinu i kriterijima za dodjelu jednokratnih novačnih pomoći za slučaj smrti demobiliziranih branilaca ("Službene novine Federacije BiH" br. 64/22), čime je reducirala ostvarivanje ovog prava iz sredstava federalnog budžeta. Ovo je za posljedicu imalo povećan priliv zahtjeva za slučaj smrti demobiliziranih branilaca na teret kantonalnog budžeta, a time i veći utrošak sredstava na ovom transferu u periodu 2023.-2025. godine.

Analizom zaprimljenih pravosnažnih rješenja od strane gradskih/općinskih službi Kantona i donesenih odluka Ministarstva, te utrošenih sredstava sa ovog transfera u 2025. godini utvrđeno je sljedeće:


- Tokom 2025. godine Ministarstvo je zaprimilo 874 zahtjeva za naknadu troškova dženaze/sahrane, od čega je obrađeno 825 zahtjeva u ukupnom iznosu od 1.604.012,00 KM. U odnosu na 2024. godinu, kada je zaprimljeno i obrađeno 867 zahtjeva, broj zaprimljenih zahtjeva za pomoć u naknadi troškova sahrana umrlih branilaca i članova njihovih porodica u 2025. godini uvećan je za 7 zahtjeva. Zbog nedostatka raspoloživih sredstava u 2025. godini broj obrađenih zahtjeva u odnosu na 2024. godinu bio je manji za 42.
- Od pomenutih 825 zahtjeva za naknadu troškova dženaze/sahrane, 642 zahtjeva odnosila su se na umrle demobilizirane braniocce, 131 zahtjeva je podneseno za umrle članove porodica šehida i poginulih boraca, 50 zahtjeva za umrle ratne vojnog invalide i 2 zahtjeva se odnosilo na umrle dobitnike ratnih priznanja i odlikovanja. Pregled odobrenih naknada po gradovima/općinama, kategorijama umrlih pripadnika branilačke populacije i iznosima odobrenih sredstava dat je u Tabeli 1.
- Na prvostepena rješenja gradskih/općinskih službi u 2025. godini evidentirana je 1 žalba, koja je u drugostepenom postupku odbijena.
- Bitno je naglasiti da je utrošak sredstava sa ove pozicije Ministarstva bio kontinuiran, obzirom da je Ministarstvo finansija ZDK pravovremeno vršilo plaćanje prispjelih naloga prema gradovima/općinama Kantona. To je znatno olakšalo rad zaposlenika u oba ministarstva, te je i učinkovitost realizacije raspodjele namjenjenih sredstava bila povećana. Iako je pristizanje zahtjeva teklo u kontinuitetu, priliv istih je bio intenzivniji naročito u decembru 2025. godine.

U tabelarnom pregledu koji slijedi dat je pregled broja odobrenih naknada po gradovima/općinama Zeničko-dobojskog kantona, kategorijama umrlih pripadnika branilačke populacije i iznosima odobrenih sredstava.

**Tabela 1 Pregled broja odobrenih naknada po općinama, kategorijama umrlih pripadnika branilačke populacije i iznosima odobrenih sredstava**

R.br	Općina	Ukupno odobreno zahtjeva	Odobreno po kategorijama				Odobrena sredstva
			DB	PPB	RVI	DNRP	
1	Breza	42	33	5	4	-	78.640,50
2	Doboj-jug	48	36	9	3	-	95.284,50
3	Kakanj	37	23	10	4	-	68.888,50
4	Maglaj	71	50	16	5	-	143.493,00
5	Olovo	51	43	7	1	-	98.773,00
6	Tešanj	119	96	17	5	1	225.091,00
7	Usora	21	18	2	1	-	39.257,00
8	Vareš	49	42	6	-	1	97.609,50
9	Visoko	125	111	8	6	-	248.654,00
10	Zavidovići	73	57	11	5	-	147.149,50
11	Zenica	119	77	30	12	-	223.394,50
12	Žepče	70	56	10	4	-	137.777,00
<b>Ukupno:</b>		<b>825</b>	<b>642</b>	<b>131</b>	<b>50</b>	<b>2</b>	<b>1.604.012,00</b>

**Dijagram 1 Struktura odobrenih zahtjeva prema kategorijama branilačke populacije**



## V ZAKLJUČNA RAZMATRANJA

U ovom izvještajnom periodu za naknadu troškova dženaze/sahrane zaprimljeno je 874 zahtjeva, odnosno 7 zahtjeva više u odnosu na 2024. godinu. Od ukupnog broja zaprimljenih zahtjeva u 2025. godini, zbog ograničenog iznosa raspoloživih sredstava, obrađeno je i odobreno 825 zahtjeva, a ostatak od 49 prispjelih zahtjeva iz 2025. godine obrađen je u 2026. godini. Ono što je karakteristično za proteklu 2025. godinu, jeste to da je zabilježen neznatno veći broj smrtnih slučajeva ratnih vojnih invalida u odnosu na 2024. godinu.

Izmjene Pravilnika o uslovima, načinu i kriterijima za dodjelu jednokratnih novčanih pomoći za slučaj smrti demobiliziranih branilaca ("Službene novine Federacije BiH" br. 64/22) od strane Federalnog ministarstva za pitanja boraca i invalida odbrambeno-oslobodilačkog rata, rezultirale su u protekle tri godine povećanim brojem podnesenih zahtjeva za naknadu troškova dženaze/sahrane u slučaju smrti demobiliziranih branilaca, a koji su u novonastaloj situaciji morali biti rješavani na teret Budžeta Zeničko-dobojskog kantona. S druge strane, primjenom nove Uredbe o naknadi troškova dženaza/sahrane branilaca i članova njihovih porodica ("Službene novine Zeničko-dobojskog kantona" br. 1/25) utvrđeno je da se naknada troškova dženaze/sahrane može odobriti u slučaju smrti demobiliziranog branioca koji je u periodu od 06.04.1992. do 23.12.1995. godine u sastavu Oružanih snaga proveo najmanje 24 mjeseca. Stoga je u 2025. godini procentualni udio odobrenih zahtjeva iz Budžeta Zeničko-dobojskog kantona za umrle demobilizirane braniocice sa 81,32 % smanjen na 77,82 %.

Iako su Odlukom o preraspodjeli rashoda u Budžetu ZDK za 2025. godinu ukupno raspoloživa sredstva za ovu namjenu dodatno uvećana za 400.000,00 KM, ovo nije bilo dovoljno za rješavanje svih prispjelih zahtjeva u 2025. godini.

Preživljeni ratni period, ranjavanja i obolijevanja od težih oblika bolesti, te starenje branilaca općenito, povećava broj smrtnih slučajeva pripadnika branilačke populacije. Imajući ovo u vidu, evidentno je da je i dalje iskazana opravdana potreba za većim iznosom sredstava na transferu "Pomoći u slučaju smrti branilaca i članova njihovih porodica".

**MINISTAR**  
*Adnan Sirovica*

Broj: 13/03-3-2-37-7291/26

Datum: 15.04.2026. godine